

豫章叢書

第八九冊

豫

章

禁

書

第八九號

六松堂詩集卷五

甯都會 燦青藜著

五言律

庚戌上元前一日同向黼文集楊商賢齋頭得

年字

對此清谿月蕭條似去年同時人不見

商賢宅近畝山草堂因念

昨歲同爾止觀燈

不覺有生死之感愛汝獨依然擊鼓催春夜挑燈落

酒筵欣逢良友聚爛醉草堂前

十六夜雨中同高蒼畧集白孟新冠山草堂

星橋今夕聚還復憶開元花雨初侵鬢春風直到門

臺存山下路孟新家傍家傍市中村莫問南朝事羞

登廣武原

登五層樓

鼓角起城頭郊原落日愁青天平楚盡綠樹片帆收  
避世懷張翰依人愧馬周鄉園歸不得獨上五層樓

壽徐偉公

去年初度日舟泊楚江濱斗酒娛長夜華燈眷旅人  
乾坤雙鬢髮風雪一冬春躑躅慚賓幕別來又數旬

其二

四十方強仕使君久著名下車羣吏服杼柚百蠻清

世薄勤桑梓官貧駕友生天心今獨切弘濟賴精誠

題李武曾灌園養母圖

水色浮青檻苔花點翠茵如何裘馬客竟作灌園人  
京國誰知己庭闈有老親床頭新甕熟取及紺牙春  
其二

有夢亦多累此身無定居羨君世外意歸臥花間闌  
芳草青將合香蕤綠正初殷勤將菽水悵望正愁余  
別蔣公郁

一別語難盡他年思轉親出關還策馬落日正愁人  
歲月成吾老湖山入夢頻嶺頭梅爛熳應憶故園春

其二

相見無多日如何卽別離  
逢人嘗氣短閱世輒心悲  
鳥道千山暮鶯花二月遲  
君行及南詔正我返家時  
贈施匪我

夫子聲名久相逢已白頭  
十年猶薄宦一室似清秋  
榻自高人下車多長者留  
至今燕市客不必賦登樓  
雨夜初宿翠閣對晚粧而成

香閣殘粧裡相逢得意看  
春風吹霖霖燈火上深寒  
鏡以烏雲亂花于翠鈿  
盤夜深猶恐寐尙共倚闌干  
夜宿翠閣遲人不至

一月閒門路相思亦可哀  
依闌人獨遠看樹鳥俱迴  
香牋羅衾在風吹綺幔開  
明星當戶起猶自不歸來

其二

剪燭對孤影空床獨理衾  
老猶兒女態人少歲寒心  
不臥當殘月因愁聽斷音  
今宵拚一醉謝汝短長吟

送張遇侯歸秦川卽步蔡九霞韻

綠樹陰方合如何卽別君  
馬嘶初落月鳥倦欲歸雲  
執手時無幾過江路已分  
客中頻送客歸思益紛紛

其二

萬里嶠函道年來夢正親  
老知游興減貧與客愁新

落雁峯頭雨鳴沙塞上春  
吾兄家在此莫謂異鄉人  
除夕同余生生高念祖長兄庭聞分賦得臺字  
難盡今宵話五年未易回友朋看漸老兄弟此卮杯  
燈火圍春座寒霜逼露臺欲隨鄉夢去不畏五更催  
甲寅開正六日爲紀光韓郡伯壽

斗杓驚節候三度祝君辰  
元日頻開宴華堂半旅人  
鸕鷀杯正起鸚鵡舞方新  
卽爾成佳會難忘此一春  
其二

六載飄零客庭前缺綵衣  
每來介春酒益復想慈闈  
南國徧荆棘北山餘蕨薇  
藉君雙羽翼送我故園歸

余生生張孟恭華子三劉武城寓齋小集得看  
字

晚樹環空翠庭陰愛薄寒疎花餘斷砌細草護層欄  
恃有烏巾酒慚無白玉盤常因閒譙會得作故園看

其二

喪亂愁今日懷歸路轉難不因朋友聚安得酒腸寬  
庭戶留天地干戈托羽翰故山千萬里只向白雲看  
秦吉生雨中招飲池上卽事用杜少陵五日賜  
衣韻同杜于皇成二鴻張曉人容菴王時大

陳集生卽席賦

老樹不知名庭除向晚榮疎花當戶出細雨着波輕  
漸覺羅衣薄傳來茗椀清天涯良會好何異故鄉情  
題尤展成釣魚圖

修竹垂楊下何人竟不冠晴川方落日童子正垂竿  
散髮孤雲冷東風六月寒可知渭水畔不似富春灘

鄞江道中

次日端陽節

垂老猶羈旅况當喪亂時草花迷驛路溪水界山陂  
日落人行少村空鳥去遲吾生辛苦甚何必嘆他離  
其二

忽然驚節候悽惋動征魂葭草霑新淚黍苗感舊恩

生還同此日家祭但諸孫倘不因行役能無憶故園

顓江紀事用十五刪成詩四首

兩月虔州路開蓬只見山如何深屋裡不似有人還  
林密鳥逾靜水清魚自閒晚涼餘枕簟將夢出江關

其二

滿目皆烽燧郊原盡閉關人家依小艇雞犬出溪灣  
喪亂經寒暑飄零任去還夜闌聽共語猶說萬陽山

其三

風雨消殘暑干戈破舊顏大都諸伏莽強半恃深山  
村冷餘狐兔田荒但草菅可憐膏白刃此地是鄉關

其四

沙溪通竹青嶺路接徭蠻地僻誠難到天心豈易還  
龍蛇藏巨壑虎豹隱重關且喜孤城近悠悠見遠山  
澄江贈侯公言總戎

江城踰萬疊江水日千重此地誰新造春申是舊封  
青天盤鶴鶴白浪走蛟龍拄笏看朝爽由來王氣鍾  
其二

奇文驚虎變潑墨見鸞回自古登壇客幾人作賦才  
江天爭片羽日月入殘杯池上芙蓉滿知今幕府開  
其三

被褐遊常慣，因人歲屢更。自慚無遠策，五十尙儒生。  
耆舊年來少，文章亂後成。至今垂白髮，忍恥事公卿。

其四

不緣輕客旅，安得上侯門。誰結王生襪，常懸阮氏禪。  
風塵千里夢，湖海百年恩。長揖能無媿，深知閫外尊。  
送徐健菴太史赴京改補兼東立齋方虎兩學

士

堂上承歡後，天涯發軔初。風雲連彩鷁，歌吹起游魚。  
官閣潮聲壯，秋山晚照疎。清光千萬里，知入馬卿書。

其二

文章輕似葉功令重於山暫受三年謗能消一日閒  
朝廷思故舊冠蓋眷青班料向神京去新恩定賜環

其三

澤有哀鴻起田因碩鼠空頻年經戰伐故里徧蒿蓬  
婦子俘應盡征輸日未窮講筵知久待不必鄭圖工

其四

不作長安札難爲賤子陳亂離猶作客老大更依人  
廡下春難賃生涯甌已塵君家兄弟好應念故交貧  
秋日挈舟訪李武曾暨令兄斯年令弟分虎于  
長水武曾留同小飲卽席分得八庚

孤舟隨落葉百里訪柴荆燈火坐來暗秋風窗外生  
酒深今夕話老愛故人情不覺身爲客對君好弟兄

其二

君歸從貴竹烽火此中生亂後知誰過天涯感獨行  
依人因母老避世暫躬耕惜別防深夜何妨坐到明  
重陽前一日命舟過桐水訪周青士汪周士晉

賢因留小飲分得新字

醇醪愛公瑾潭水羨汪倫交以聞名重人從見面新  
山川歸作客天地托垂綸莫盡今宵話應慚異代身  
和涼字贈青士隱者

一徑隔溪水小橋通野航門多初落葉園有欲摧桑  
地僻烽烟少天高日月長相逢當亂後遮莫話秦涼  
初入陵陽

一入秦陽境溪山似故園懸崖齊置屋傍嶺盡成村  
樹架谿橋穩泉通水碓喧思鄉頻到夢見此轉銷魂  
同沈孝瑟徐式四騎馬游魚龍洞馬上口占

曉光上暗旭朔氣似初春度嶺還騎馬循溪不見人  
小橋通曲徑亂石出遙津同是勞勞客旅游未覺貧

魚龍洞題壁

到此境已盡却從何處行燭光搖壑影石乳落鐘聲

路黑走魑魅氣寒生甲兵但愁身世累不畏夢魂驚  
游畢姚六康明府置酒李家村昏夜方歸口占

二律

高館停芳騎開尊夜始歸輕風吹短鬢新月上寒衣  
野火空鳴柝人家久掩扉行行何太速轉覺客心違

其二

亂後行人少況於秉燭遊到山愁路斷隔隴聽泉流  
地僻無兵火天高轉斗牛不因賢令尹安得此淹留  
留方位自沈孝瑟小飲寓樓同用十一真

欲去因君住相逢話正新半生多難客九死百年身